

Akissarsiat allagartaat ukiumoortoq nutaaq ukiumut 2018-imut ukiunilu aggersuni immersortagassaq pillugu pisortani sulisitsisunut paasissutissiineq.

Akilaartarnermut Aqutsisoqarfik akissarsiat allagartaanik nutaamik pisortani sulisitsisunut suliaqarpoq, taaguutaa allanngunngilaq "20XX-imi isertitanut paasissutissaq". Isertitanut paasissutissanik immersugassaq siullermeerlugu atorneqalissaaq ukiumi aningaasarsiorfiusumi 2018-imi akissarsiarititanut il.il. paasissutissanik nalunaaruteqarnermi.

Pisortat sulisitsisut, tassalu Namminersorlutik Oqartussat, kommunit kiisalu naalagaaffik taamaasillutik immersugassaq "20XX-imi isertitanut paasissutissaq - A11" (Pisortat sulisitsisut) immersortassavaat.

Ilusilersornera (formatia) aamma allanngorpoq

Akissarsiat allagartaanik manna tikillugu atorneqartumik allannguinermi, akilaartarnermut inatsimmi taannalu tunngavigalugu nalunaarusiani aalajangersakkanik assigiinngitsunik allannguuteqartitsisarnerit pingaarnerpaatut tunngaviupput. Allannguneq akissarsiat allagartaata ilusilersorneqarnerranik/formatianik aamma allannguisariaqalernermit kinguneqartitsivortaaq. Tamanna isumaqarpoq ukiumut aningaasarsiorfiusumiit 2018 immersuiffissat (felt-it) 46-nngorput.

Isertitanut paasissutissap nutaap immersorneqarnissaanut ilitsersuusiortoqarportaaq, sulisitsisullu allannguutigitiinneqartut pingaartumik makku maluginiassavaat:

- Tjenestemanditut pensionit

Tamannalu ima isumaqarpoq sulisitsisup ukioq aningaasarsiorfik 2018 aallarnerfigalugu akeqanngitsumik internettersinnaatitaaneq inissisimaffia nuunneqarpoq normu 12-imut.

Inissisimaffimmilu normu 19-imiittoq KNAPK-kontingent aamma allanngortinneqarpoq, imaalerluni: Aalisartut peqatigfiiffianut akiliut.

Malugeqquneqarportaaq Kalaallit Nunaata avataaniittuniit pensionisiaqartitsiviit akiliutigineqartartunut akileraaruserneqarnissaa soorluttaaq tapisiat taakkunanngalu akileraarutit unerartinneqartut, isertitanut paasissutissat pillugit immersugassaq nutaaq atorlugu nalunaarutigineqassammata Immersugassaq “20XX-imi akissarsiarititanut il.il. nalunaarut – A10” allannguuteqanngilaq.

Qulaani taaneqartutut “20XX-imi isertitanut paasissutissaq – A11” nutaaq ukioq aningaasarsiorfik 2018 aallarnerfigalugu atorneqalissaaq. Soorluttaaq ukiunut aningaasarsiorfiusunut 2018-imit siusinnerusunut nalunaaruteqassatillugu maannamut immersugassaq atuuttoq “20XX-imi akissarsiat allagartaat ukiumoortoq – A11” nutaaq atorneqartassaaq.

Formatip nutaap allaatigineqarnera

Formati nutaaq, isertitanut paasissutissat pillugit immersuiffissaq nutaamut tunngasoq, allaatigineqarportaaq, tamannalumi sulisitsisut akissarsiaritanut qarasaasiakkut aqutsissutaani iluarsiiisuteqartariaqalernerannik kinguneqartitsilerpoq.

Qarasaasiatigoortumik akissarsialerissummi aaqqiinissat siunertaralugit Akileraartarnermut Aqutsisoqarfimmit innersuussutigineqarpoq qarasaasiatigut aaqquissuussinermi ineriartortitsisorisartakkaminnut atassuteqartoqaqqullugu.

Akileraartarnermut Aqutsisoqarfiup nittartagaani - www.aka.gl-imi – makku ivertinneqarput:

- 20XX-imi isertitanut paasissutissaq - A11 (Pisortat sulisitsisut)
- Isertitanut paasissutissap A11-p immersornissaanut ilitsersuut

<https://sulinal.nanoq.gl/>-imi una ivertinneqarpoq:

- Isertitanut paasissutissamut A11-mut formatit sulisitsisut akileraaruseriffiullu akornanni atorneqartut pillugit allaatigineri – ukioq aningaasarsiorfik 2018 aallarnerfigalugu atuutilersoq. Formatit pillugit allaatigisaq taanna pisortanut sulisitsisunut kisimi atuuppoq.